

DECLARATIO

Reverendissimi Patris

31

MICHAELIS ANGELI

T A M B U R I N I

Præpositi Generalis Societatis JESU

S U P E R

*Postulato unanimiter sibi facto à RR. Patribus
Assistentibus Nationum, & Procurato-
ribus Provinciarum ejusdem Soc. Romæ
congregatis Mense Novembri 1711.*

SANCTISSIMO DOMINO NOSTRO DOMINO

C L E M E N T I X I.


PONTIFICI MAXIMO

Humiliter oblata ab eodem P. Præposito Gen.
die xx. ejusdem mensis.



ROMÆ. Typis Rev. Cam: Apost. 1711.

Superiorum permissu.



Reverendissimus Pater Michael Angelus Tamburinus
Præpositus Generalis Societatis Jesu, provolutus ad
pedes Sanctiss. D. N. D. CLEMENTIS divinita provi-
dentia Papæ XI. in Palatio Apostolico Quirinali, una cum
PP. Assistentibus Nationum, ac Procuratoribus singularum
Provinciarum dictæ Societatis, obtulit Sanctitati Suae per
modum supplicis libelli scripturam tenoris, qui sequitur,
videlicet,

Foris:

Sanctissimo Domino Nostro CLEMENTI Papæ XI.
Pro Præposito Generali Societatis JESU.

Intus verò:

Inter postulata, quæ Patres Procuratores missi Romam
à singulis Societatis JESU Provinciis ad consuetam
Congregationem Procuratorum indictam in hunc
mensem Novembrem Anni MDCCXI. proposuere,
unum fuit præ cæteris summa oblatum contentione,
& acerrimis omnium studiis, votisque commenda-
tum, tanquam longè maximi ad suarum Provincia-
rum pacem, & exultationem momenti.

In hoc Postulato significant Præposito Generali lacerari
Societatis universæ nomen indignissima accusatione,
quæ illi maiorem inurit dolorem, quàm innumera-
biles aliæ accusationes, obreptiones, & calumniæ
contrà eandem fabricari, & disseminari solitæ;
& qua se fatetur ad vivum vulnerari, & pupillam
oculi sui tangi.

Accusationem hanc vehementiores Adversarii his verbis In Lib.
informant --- Erga Decreta Pontificia præ cæteris tes Jesu
exactam submissionem, cacamque obedientiam bucci- ce pag. 5
nant Jesuitæ; ab ea tamen præ cæteris deficiunt,

*dum ad falsorum decreta non sunt : : : :
Religiosos Societatis præ cæteris inobedientes esse Consti-
tutionibus Apostolicis . . .*

Eam ob rem prædicti Patres Procuratores , ad refel-
lendam omni ope tam probrosam , quàm à veritate
alienam accusationem , simulque ad declarandum
Societatis dolorem , cum se tam gravi , tam acerbò
vulnere petitam sensit ; una voce postularunt ,
ac faciendum judicarunt , ut solemni , & legitima
quadam actione , quæ vim , & locum obtineret
cujuscumque Apologiæ ; Præpositus Generalis So-
cietatis , nomine totius Ordinis confirmaret , con-
testaretur , ac declararet , provolutus ad Sancti-
tatis Sux pedes , & coram Ecclesia universâ , con-
stantissimam , immutabilem , invictam totius So-
cietatis JESU fidem in amplectendis , obeundis ,
& ad ultimum usque spiritum exequendis , quæ-
cumque fuerint à Sede Apostolica præscripta , con-
stituta , & imperata , & nominatim quod spectat
ad Decreta per Suam Sanctitatem edita de ritibus
Sinensibus tum anno MDCCIV. die 20. Novem-
bris , tum anno MDCCX. die 25. Septembris ;
Quæ quidem Decreta , etiam prout à Sanctitate Sua
explicata , & exposita fuerunt in literis eius nomine
scriptis ab Illustrissimo , & Reverendissimo Domino
Assessore Sancti Officii ad Reverendum Admodum
Patrem Præpositum Generalem Societatis sub die 11.
mensis Octobris anno 1710. inconcussè , & invio-
labiliter , sub censuris , & pœnis ibidem expressis ,
sine ulla contradictione , tergiversatione , aut cuncta-
tione , quovis contrasaciendi quæsito colore , aut præ-
textu penitus sublato , sibi adamussim observanda ,
& exequenda , spontè , & vltro admittit , & ample-
ctitur Societas universa : atque ita obloquentium ora
obstructum iri confidit .

Huic

Huic postulato una cum Patribus Assistentibus iidem Patres Procuratores Romæ convocati propria manu subscripsere.

Michael Dias Assistens Lusitaniz.

Andreas Vvaibl Assistens Germaniz.

Joannes Vincentius Imperialis Assistens Italiz.

Guillelmus Daubenton Assistens Franciz.

Ludovicus de Montesdoca Assistens Hispaniz.

Matthias Karki Procurator Lituaniæ.

Richardus Plovden Procurator Angliæ.

Stephanus Sczaincki Procurator Poloniæ.

Joseph Vicecomes Procurator Provinciæ Mediolanensis.

Carolus Franciscus Demachault Procurator Campaniæ.

Carolus Dauchez Procurator Franciæ.

Josephus Preiss Procurator Germaniæ Superioris.

Jo: Baptista Spinula Procurator Provinciæ Romanæ.

Antonius Milesius Procurator Provinciæ Venetæ.

Andreas Dehmaz Procurator Rhæni Superioris.

Joannes Petrus du Fornel Procurator Provinciæ Tolosaniæ.

Gaspar Buhon Procurator Provinciæ Lugdunensis.

Balthasar Vveiman Rhæni Inferioris Procurator.

Gavinus Sylvester Lacca Procurator Sardiniz.

Joannes de Bruyn Procurator Flandrobeldgii.

Franciscus Rescalli Procurator Austriæ.

Joannes Capeta Procurator Bohemiæ.

Dominicus Viva Procurator Neapolitanæ.

Joannes Baptistæ de Fourmestaux Procurator Gallobelgicæ.

Antonius Franciscus Joseph Provana Procurator Sinentis.

• *Beatissime Pater!*

Tàm iustis, tàm gravibus, ac necessariis PP. Procuratorum postularis obsecundans Præpositus Generalis Societatis JESU ad Sanctitatis Vestræ pedes humillimè provolutus, quocumque optimo, ac certissimo modo potest, cum omni asseveratione, ac sinceritate, suo, ac totius Societatis nomine profitetur, ac declarat Sanctitati Vestræ, & Sanctæ Sedi Apostolicæ; constantissimum obsequium, reverentissimam submissionem, & obedientiam cæcam, in amplectendis, & exequendis quæcumque per eandem Sanctam Sedem decreta fuerint, & imperata; iisque potissimum, quæ circa Sinicos ritus edita sunt, tùm anno MDCCIV. die 20. Novembris, tùm anno MDCCX. die 25. Septembris. Quæ quidem Decreta, etiam prout à Sanctitate Vestra explicata, & exposita fuerunt in literis Sanctitatis Vestræ nomine eidem Præposito Generali scriptis ab Illmo, & Rmo Dño Assessore S. Officij sub die 11. Octobris anno 1710. inconcussè, & inviolabiliter, sub censuris, & pœnis ibidem expressis, sine ulla contradictione, tergiversatione, aut cunctatione, quovis contrafaciendi quæsito colore, aut prætextu penitus sublato, sibi adamussim observanda, & exequenda, spontè, & ultrò admittit, & amplectitur Societas Univerfa. Testatur autem idem Præpositus Generalis hanc esse vocem, hoc votum, hunc spiritum, Societatis Univerfa: hunc, & futurum esse: sicut proculdubio semper fuit.

Quod si quis nihilominus è nostris esset ubicumque terrarum (quod avertant superi) qui aliter sentiret, & loqueretur, aut locuturus esset: nam id omninò prævenire, aut impedire nulla satis potest humana prudentia, in tanta Subditorum multitudine: declarat, asserit, ac profitetur Præpositus Generalis nomine
totius

totius Societatis, se jam nunc illum reprobare, repudiare; ac merita castigandum poena, neque agnoscendum pro vero, & genuino filio Societatis: Illum tamquam degenerem, & non suum, habebit, uti tales semper habuit, & modò habet Societas, & quantum poterit semper compescet, compriperet, & conteret.

Ea mens, hoc propositum, ea contestatio, Societatis est, quam ejus totius nomine deponit ad Sanctissimos Pedes Beatitudinis Vestræ Præpositus ipsius Generalis; ut inde per universam disseminetur, ac spargatur Ecclesiam. Quod si ad exprimendam efficacius Societatis in hac protestatione mentem, inveniri verba possent clariora, & magis significantia, aut formulæ magis distinctæ, disertæque, ad obstruendum omnem cavillationibus, & sinistris interpretationibus aditum; intendit, optat, vult, Præpositus Generalis, ut ea, quæ in hoc scripto adhibet, verba vim omnem aliorum quorumcumque magis idoneorum habeant: fateturque, sibi non occurrisset ulla meliora, & apertiora, quibus veram, & sinceram totius Societatis mentem declararet.

Ex Domo Professa Romana die 20. Novembris 1711.

Ita fatetur, & protestatur
Michael Angelus Tamburinus
Præpositus Generalis.

Idem verò Sanctissimus Dominus Noster supradictos Patres Præpositum Generalem, necnon Assistentes Nationum, ac Procuratores Provinciarum ejusdem Societatis, quam Sanctitas Sua in visceribus gerit paterna suæ Charitatis, benignè excepit: oblatamque sibi declarationem pramissam Typis mandari, ac pervulgari posse permisit.

